

Affluè vigili tenuat sua robora cura.  
Fecerat in muro plures testudo fenestras,  
Cujus Oriaciadæ formam construxerat astus.  
Jam quoque casuram credebant agmina turrim.  
Cum cessare jubent patres testudinis ictus,  
Electi donec juvenes mittantur in illam,  
Qui captam teneant summis cum viribus urbem.

Sanctè tuum festum Victor laudabile multum  
Fortè celebrabat mundus, Pianos super astra  
Quando levata fuit martyr, virgoque decora;  
Luce sub hac cursus medios jam Phœbus agebat,  
Æstus erat grandis, tecum rogitalle putatur  
Cœlica turba Deum, Pisanus Præsul, & omnis  
Firmiter orabat Sancto cum Præsule Clerus,  
Quatenus ipse suis pugnantibus auxilietur.

Divinus . . . tantos audisse rogatus  
Creditor, & susas lacrymas monuisse Tonantem.  
Deviat esse Dei quisquis tales negat actus,  
Et pro posse suo non laudat cunctipotentem.  
Extemplo medius dum carperet æthera Titan  
Mota fuit turris graviter, ceciditque patenter.  
Intremuit locus, & pulvis vicina replevit.

Inconsumpta jacent mensis convivæ: tentant,  
Protinus introitum Latius seu Gallicus hospes:  
Ugo qui Pisis comitum vice præditus extat,  
Et Dodo Teperti clarus per prælia natus  
Ac Cunithoniades animis decoratus, & actis,  
Et Catalanenſis quidam bene promptus in armis  
A portu pariter per portas ingredientes  
Invadunt Ebusum, sternunt, feriuntque feroces

Viribus, & perimunt lætis successibus hostes.  
Qualiter armentum tygres per rura sequuntur,  
Quando potenter eas sejunia longa coërcent;  
Haud secus heroum gladiis Pagana fugantur  
Agmina: tunc reliquis succurrunt undiq; turmæ  
Nulli parcentes, sexus jugulantur, & ætas.

Hinc aditum quendam retinebant Ismahelitæ;  
Maurus ibi pugnabat atrox metuendus in armis,  
Et ferus accessum cunctis prohibere putabat.  
Erigit Ildeprancus in hunc Enfraxius enfem  
Cædentem mirum mirando recidit in ictu.

Qui per rupturas intrarunt denique muri  
Barbara concidunt fugientum corpora ferro.  
Tunc percussa cadit gladius Ebusina juvenus:  
Hic caput, atque manus, illic sunt crura pedesq;  
Quâq; pedes facies hominum projecta jacebat  
Eruta corporibus morientum millia calcant  
Belligeri cunei, sed qui de cæde superfluit  
Ascendunt medios inter duo robora muros.

Altera turba ruens fugit ad sublimia saxa,  
Quæ suprafati spectantia diximus æquor.  
Inde ruunt partim, partim truncantur, & illinc  
Rupibus è summis saltas jaciuntur in undas.  
Hic malus est saltus, quem Mauri tunc didicere.  
Qui non fugerunt, saxosis ictibus & non  
Continuere manus, de muris præcipitati  
Undique contracti media jacuere platea.

Declinat medios dum Titan in æquore cursus,  
Pugnantesque viros & servidus æstus agebat,  
Urbs ubi prima fuit divino victa vigore.  
Altera victores veniunt ad mœnia, portas,  
Et superos aditus perfringere Marte laborant.  
Multifoni resonant variis rambonibus usus;  
Saxa volant, missæque pluunt utrimque sagittæ.  
Hortantur proceres pugnantem fortiter alas.

Utraq; turba fremit, penetrant ad sydera voces.  
Ascendunt geminas dum pugnant agmina turres,  
Et superare putant reliquam velocius urbem,  
Accurrens Ebusina cohors violentius hostem  
Impetit, & saxis, telis, sudibusque repellit,  
Perque coherentes cogit descendere scalas.  
Postquam bella viris in nullo commoda præstant  
Mox sua castra movent, & barbara tecta sub-

intrant.  
Tom. VI.

A Sed, defunctorum ne corrumpantur odore,  
Traditur extinctus flammis crepitantibus hostis.  
Postera lux oritur, confurgentisque catervæ  
Tendunt in reliquam studiis ardentibus urbem.  
Nocte dieque suas exercent fortiter artes.

Lux octava redit, turres feriendo reclinat  
Machina, testudo perfringit sedula muros.  
Cum nox transferat vicinæ proxima luci  
Auroræ patuere fores, Phœbusque redibat;  
Protinus ascendunt super altas agmina turres.  
Barbara turba pavet, celsaq; recurrit ad arces.  
Alphæus populus defuncta cadavera calcans  
Hostiles cuneos gladio prostermit, & hasta:  
Dumque satis properant super ardua ducere  
castrum

B Mœnia, Dominici solers quod cura paravit,  
Telorum nimbi summa mittuntur ab arce,  
Sarnicolasque super volitant ingentia. . .  
Sed Christi pietas, divinaque gratia quantum  
In se sperantes semper sustentat, & auget,  
Humanæ nequeunt ad plenum dicere linguæ.

Nam Christi factio, qui noscitur omnia posse,  
Victoris festo, qui primam vicerat urbem,  
Hujus in octava meruit superare secundam  
Pisanus populus semper confusus in ipso.  
Victores tandem captos retinere laborant,  
Et fervare locum; patres deducere castra  
Circumquaque jubent: parent, ast obsidionem  
Mœnibus inclusis omnes vicinibus addunt.

C Nulla quies cuiquam tenebris vel luce dabatur;  
Turres tormentis altas, murosq; petebant,  
Quæque graves longè dimittit machina moles,  
Mœnia celsa petens, portabat ad usque fenestras  
Cautes, internas sternendo sæpius ædes;  
Vicinusque malus cui non erat agmine compar  
Sublimem tractus crebrò servebat in aulam,  
Nunc ultra turres lapides portabat, & infra,  
Et de sacrilegis faciebat sæpe ruinam.

Talibus & reliquis populus Pisanus agebat  
Artibus, & duros tentabat vincere catus;  
Tum Guido Rubeus, simul & Catalanicus heros  
Incaſsum missas non direxere sagittas.  
Econtra Mauri bellantia sæpe petebant  
Agmina, non parili facientes prælia dextra.

Sævus Abulmunzor super ardua mœnia demum  
Assistens, fractam defixo lumine turrim  
Spectabat tristis: casu sinuaverat arcum  
Villano genitus, qui mittens spicula contra  
Spectantem medio defixit gutture Maurum.  
Juravitque pridem per jura Machamatis ille  
Incolumem cuiquam se nunquam reddere terræ.

Tunc sibi subiecti suaserunt talia cives:  
De juramento nulla ratione teneri,  
De nuper factio fusi docuere cruores;  
Sanus enim non est, cui figunt spicula guttur.  
Ergo tui compos citius fac deditionem,  
Et te nobiscum pariter de funere serva.  
Motus erat Princeps dictis, precibusq; suorum.  
Mittitur Alphæus ducibus qui nuntiet ista.

D Forma placet pacti Pisanis, protinus illi  
Nil dubitando viri sine conditione dederunt  
Omnia, se pariter, mortis terrore remoto.  
Tunc pie Laurenti, mundus tua festa colebat.  
Te venerande Deum placido movisse rogatu,  
Autumat Ecclesiæ populus, creduntque fideles.  
Cum vexilla super posuerunt agmina turres;  
Ter Domino laudes totum cantaverat agmen,  
Cornicinumque dabant voces lituique tubæque,  
Tinnitusque pios resonantia signa tulerunt.

E Conscendunt proceres summas properantius  
arces.  
At cômune jubent spoliū properanter in unum  
Accumulare locum; turres, & mœnia cuncta  
Certatim sternunt avidi turreſque coæquant.